

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
Gradsko vijeće Grada Sarajeva  
n/r predsjedavajući, Jasmin Ademović

**ODLUKA O DOPUNI KALENDARA OBILJEŽAVANJA DATUMA I  
DOGAĐAJA ZNAČAJNIH ZA GRAD SARAJEVO  
(Prijedlog)**

---

Predlagač: Klub vijećnika\_ca Naše stranke

Sarajevo, 7.6.2023.

Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“ broj: 7/23), a u vezi sa članom 1. Odluke o obilježavanju datuma, događaja i ličnosti od značaja za Grad Sarajevo („Službene novine Kantona Sarajevo“, broj 3/23 – prečišćeni tekst) Gradsko vijeće Grada Sarajeva na \_\_. sjednici održanoj dana \_\_. \_\_2023. godine donijelo je

**(Prijedlog)**

**Odluku  
o dopuni kalendara obilježavanja datuma i događaja značajnih za Grad Sarajevo**

**Član 1.  
(Predmet)**

Ovom odlukom utvrđuje se dopuna Kalendara obilježavanja datuma i događaja značajnih za Grad Sarajevo (u daljnjem tekstu: Kalendar) koji je sastavni dio Odluke o obilježavanju datuma, događaja i ličnosti od značaja za Grad Sarajevo („Službene novine Kantona Sarajevo, broj 3/23 – prečišćeni tekst).

**Član 2.  
(Dopuna Poglavlja I Kalendara)**

Dopuna Kalendara vrši se na način da se Kalendar dopunjava u Poglavlju I, iza tačke 15a dodaje se nova tačka 15b koja glasi „Dan nulte diskriminacije“, Datum obilježavanja: 02.03, Nosilac obilježavanja: Stručna služba gradonačelnika, način obilježavanja: Šetnja i okrugli stol sa predstavnicima organizacija koje se bore protiv svih oblika diskriminacije.

**Član 3.  
(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVALAČI GRADSKOG VIJEĆA**

**Jasmin Ademović**

Broj:  
Sarajevo,

## OBRAZLOŽENJE

### PRAVNI OSNOV

Pravni osnov za donošenje odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“ broj: 7/23), kojim je propisano da Gradsko vijeće donosi odluke, druge propise i opće akte, a u vezi sa članom 1. Odluke o obilježavanju datuma, događaja i ličnosti od značaja za Grad Sarajevo („Službene novine Kantona Sarajevo“, broj 3/23 – prečišćeni tekst) kojim je, između ostalog, propisano da je Kalendar obilježavanja datuma i događaja značajnih za Grad Sarajevo sastavni dio ove odluke.

### RAZLOZI DONOŠENJA

Ujedinjeni narodi nizom aktivnosti posvećenih promicanju ljudskih prava, kroz medije i različite projektne aktivnosti 1. mart obilježavaju kao „Dan nulte diskriminacije“. Na Dan nulte diskriminacije, slavi se pravo svakoga da živi punim i produktivnim životom i da ga živi dostojanstveno. Ovaj dan naglašava kako ljudi i zajednice trebaju promovirati inkluziju, suosjećanje i mir. Dan nulte diskriminacije pomaže u stvaranju globalnog pokreta solidarnosti za okončanje svih oblika diskriminacije bez obzira odnose li se one na spol, nacionalnost, dob, invaliditet, etničku pripadnost, seksualnu orijentacija, religiju ili nešto drugo.

Gradu Sarajevo i Gradskom vijeću Grada Sarajeva kao promotorima ljudskih prava, sa težnjom prema nultoj stopi diskriminacije, predlažemo da uvrste 2.mart “Dan nulte diskriminacije” u Kalendar obilježavanja datuma i događaja značajnih za Grad Sarajevo. Prvi mart BIH obilježava kao Dan nezavisnosti. “Dan nulte diskriminacije”, zbog državnog praznika, predlažemo da se obilježava slijedeći dan, tj. 2.marta.

2.mart kao “Dan nulte stope diskriminacije”, ukoliko se usvoji, može biti predstavljen kao realizacija dijela Strategiju Grada, i to Oblasti 6. „Grad čuvar“, koja predviđa konkretne projektne aktivnosti za sve marginalizirane grupe.

Adi Škaljić, Klub vijećnika\_ca NS

Sarajevo, 7.6.2023.